

## ■ PER LA DUMENGIA

# Jeu sun culponents

DA ANTHONY DE MELLO,  
TRANSLATÀ EN RG

«Accusà», ha ditg l'inquisitur suprem, «a Vus vegni rinfatschà dad avair encuraschà ad umans da rumper leschas, tradiziuns e reglas da nossa sontga religiun. Tge avais Vus da dir latiers?»

Jau confess ch'jau sun culpaivel, stimà derschader.»

Vus vegnids accusà da savens esser vegnì vis en cumpagnia da gliעד eretica, prostituadas, putgants vulgars, incassaders usurads da taglias, conquistaders colonials da nos pievel, ditg

curt, dals rufinads da nossa societad. Tge avais Vus da dir latiers?»

Jau confess ch'jau sun culpaivel, stimà derschader.»

Vus vegnids accusà dad avair crititgà ed attatgà publicamain tut quels ch'èn vegnids tschentads en la baselgia da Diu il pli sisum. Tge avais Vus da dir latiers?»

Jau sun culpaivel, stimà derschader.»

«La finala vegnids Vus inculpads dad avair revedì, currigi e miss en dumonda ils sontgs prinzipis e dogmas da nossa cretta. Tge avais Vus da dir latiers?»

Co avais Vus num, arrestà?»

«Jesus Cristus, stimà derschader.»